



12. august 2011

UKA 2011/85

Inatsisartut Suleriaasianni § 35 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Meeqqat ersinngitsumik nappaatillit, ADHD-ertut, angajoqqaavisa meeqqamik nappaataannik ilisimasaqarnerulernissaat pillugu pikkorissartitsinneqarnerulernissaat aammalu qaammarsaavigineqarnerunissaat anguniarlugu suleriesissaq qanoq ittoq ingerlatsiviussanersoq paaseqatigiiffiumallugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Karl Lyberth, Siumut)

Tunngavilersuut:

Kalaallit Nunatsinni meeqqat ersinngitsumik nappaatillit, soorlu ADHD-ertut, ikiorserniarlugit ilinniartitaanikkut allatigullu ukiuni kingullerni pisortaniit suliniutit qujanartumik amerliartorsimapput.

Ilaqutariit ersinngitsumik nappaatilimmik meerallit ikiorserniarlugit Danmark-imi misilittakkat pitsaasut ilagivaat angajoqqaajusut nappaammik pineqartumik paasisaqarnerulertinniarlugit qaammarsaanerit assigiinngitsut, ilaatigut pikkorissaanerit assigiinngitsut ingerlanneqarnerisigut.

Angajoqqaanut pikkorissaasernerit pineqartut aqcutigalugit angajoqqaat ADHD-ertunik meerallit meeqqaminnik suli pitsaanagerusumik perorsaanssaminnut sakkussanik iluaqutaalluartunik tunineqartarsimapput, meeqqat pineqartut suli ajunnginnerusumik atugaqalernerinik pitsaanagerusumillu perorsarneqarneranik peroriartornerinillu kinguneqartumik.

Piffissaasoraarali nalilersuisarnitsinni ilumut meeqqanut ADHD-rtunut angajoqqaajusunullu qanoq ittumik pikkorissaasernerit ingerlanneqartarsinnaanersut nutaamik isummersorfigissallugu. Tamanna angajoqqaajusunit apuussisartunit oqaatiginiarneqartarmat maannamut paasisutissat tunniunneqartartut ajunngittaraluaqalutik kisianni piffinniit piffinnut assigiinngiiaaqalunilu amerlasuunit paasiuminaatsuusinnaasoq pissarsissutaasinnaaneralu annertunerusinnaasoq.

Meeqqat pineqartut suli pitsaanagerusumik atugaqalernissaat pinngitsoqarata soqutigigipput qularinnginnakku, aammalu angajoqqaat nappaammik pineqartumik paasisaqarnerunertik aqcutigalugu meeqqaminnik pitsaanagerusumik perorsaansinnaanissaat kisiat eqqarsaatiginagu, aammali ulluinnarni atukkaminnik oqilisaaffigineqarnissaat eqqarsaatigalugu, neriuutigilluinnarpara oqallisissiaq aallaavigalugu apeqquteqaatiga paasineqarluarluni Inatsisartuni ilaasortanit tamanit immersueqataalluarfigineqarumaartoq.